




AMERIČKI UNIVERZITET U
BOSNI I HERCEGOVINI



AGENCIJA ZA DRŽAVNU SLUŽBU
FEDERACIJE BOSNE I HERCEGOVINE

Shvatajući značaj uspostavljanja i razvoja dijaloga i saradnje između organa državne službe i visokoobrazovnih ustanova u Bosni i Hercegovini, zaključuje se, na temelju obostrano iskazanog interesa Američkog univerziteta u Bosni i Hercegovini i Agencije za državnu službu Federacije Bosne i Hercegovine, dana 06.02.2014. godine

MEMORANDUM O SARADNJI

Između:

Agencije za državnu službu Federacije Bosne i Hercegovine (u daljem tekstu: Agencija), koju zastupa direktor Agencije, mr.sc. Sead Maslo

i

Američkog univerziteta u Bosni i Hercegovini (u daljem tekstu: AUBiH,) kojeg zastupa, Predsjednik univerziteta, Esmir Ganić,

Član 1.

(Opće odredbe)

- (1) Ovaj memorandum predstavlja osnovu za razvoj partnerstva na osnovu zajedničkih vrijednosti i uzajamnog poštovanja.
- (2) Agencija i AUBiH izražavaju spremnost, da kroz buduće zajedničke aktivnosti značajnije unaprijede oblast saradnje kroz sistematske poslove u određenim oblastima djelovanja Agencije, a koje su predmet, obrazovnog, naučno-istraživačkog i drugog rada u okviru aktivnosti AUBiH.

Član 2.

(Predmet Memoranduma)

Predmet ovog memoranduma obuhvata sljedeće:

- (1) Uspostavljanje međuinstitucionalne saradnje u oblasti unaprijeđenja politike obuke koja je od zajedničkog interesa za obje strane.
- (2) Iniciranje podzakonskih akata u cilju uspostavljanja sheme mobilnosti uvođenjem stručne prakse u organima državne službe u Federaciji Bosne i Hercegovine za studente završnih godina AUBiH.

Član 3.

(Unaprijeđenje politike obuke)

- (1) Međusobna razmjena informacija i stručnog kadra u oblasti naučno-istraživačkog i obrazovnog rada.
- (2) Izrada plana aktivnosti u cilju unaprijeđenja kvalitete izvedbe obuke za rukovodeće i ostale državne službenike

Član 4.

(Obavljanje stručne prakse studenata AUBiH i odabir studenata)

- (1) AUBiH, uz konsultaciju sa Agencijom, vrši odabir studenata završnih godina studija radi provođenja stručne prakse u organima državne službe.
- (2) Studenti završnih godina studija obavljaju praksu u organima državne službe, uz nadzor mentora kojeg imenuje rukovoditelj organa državne službe.
- (3) Studentu se izdaje uvjerenje o obavljenoj stručnoj praksi.

Član 5.

(Obaveze studenata)

- (1) Studenti koji budu obavljali stručnu praksu u organu državne službe dužni su poštivati kodeks ponašanja, propise o čuvanju službene tajne.
- (2) Prije početka obavljanja studentske prakse studenti potpisuju izjavu o povjerljivosti vezano za materijalne podatke koji im budu dostupni za vrijeme obavljanja stručne prakse.
- (3) Studenti su dužni ponašati se u skladu sa Etičkim kodeksom za državne službenike u Federaciji Bosne i Hercegovine.

Član 6.

(Definisanje propisa za provođenje studentske prakse)

- (1) Agencija, uz konsultaciju visokoobrazovnih institucija u Bosni i Hercegovini, poduzet će neophodne mjere i inicirati će usvajanje propisa u cilju uspostavljanja sistemskog pristupa za obavljanje stručne prakse za studente završnih godina u svim organima državne službe u Federaciji Bosne i Hercegovine.

Član 7.

(Provedba Memoranduma)

- (1) U cilju osiguranja efikasne provedbe Memoranduma, ugovorne strane će formirati zajednički tim koji vrši redovan nadzor i procjenu rezultata saradnje.
- (2) Zajednički tim će održavati sastanke najmanje dva puta godišnje, a po potrebi i češće.

Član 8.

(Završne odredbe)

- (1) Memorandum može biti raskinut na zahtjev jedne od ugovornih strana, uz prethodnu najavu dostavljenu drugoj strani najmanje mjesec dana prije otkazivanja, uz detaljno obrazloženje razloga takve odluke.
- (2) Memorandum je potpisan u dva istovjetna primjerka, a svaka ugovorna strana zadržava po jedan primjerak.


Član 9.

(Stupanje na snagu)

Memorandum stupa na snagu danom njegovog potpisivanja i nije ograničen u trajanju.


Esmir Ganić

PREDSJEDNIK



mr.sc. Sead Maslo

DIREKTOR



Broj: 01-02-19/46/14

Broj: 01-34-7-643-1/13